

唐

音

統

籤

丁籤三十一 韓翃之二

唐音統籤卷

二十七

五言律詩

宴吳王宅

玉管簫聲合金盆酒色殷
聽歌吳季札縱飲漢中山
稱壽爭離席留歡輒上關
莫言辭客醉猶得曳裾還

華亭夜宴庾侍御宅

世故他年別心期此夜同
千峰孤燭外片雨一更中
酒客逢山簡詩人待謝公
自憐驅匹馬拂曙向關東

東城水亭宴李侍御副使

東門留客處沽酒用錢刀秋水牀下急斜暉林外
高金鞵絡驤奏玉匣閉豪曹去日隨戎幕東風見
伯勞

田舍曹東亭夏夜飲得春字

薛公門下人公子又相親玉佩迎初夜金壺醉老
春葛衣香有露羅幕靜無塵更美風流外交章是
秦

尋胡處士不遇

到來心自足不見亦相親說法思居士忘機憶丈

人微風吹藥案晴日照茶巾幽興殊未盡東城飛
暮塵

題蘇許公林亭

平津東閣在別是竹林期萬葉秋聲裏千家落照
時門墮深巷靜窻過遠鍾遲客舍苔生處依依又
賦詩

同中書劉舍人題青龍上方

西掖歸來後東林靜者期遠峰春雪裡寒竹暮天
時笑問金人偈閒聽寶月詩更憐茶典在好出下
方遲

題龍興寺澹師房

雙林彼上人詩興轉相親
竹裡經聲晚門前山色
春捲簾苔點淨下筋藥苗
新記取無生理歸來問
此身

題薦福寺衡嶽陳師房

姚合取爲
極玄集

春城乞食還高論此中閑
僧臘堦前樹禪心江上
山波簾看雲卷深戶映花
關晚送門人出鐘聲杳

雷間

又玄集作
與雷間

題慈仁寺竹院

千峰對古寺何異到西林
幽磬蟬聲下開窻竹翠

陰詩人謝客與法侶遠公心寂寂爐烟裏香花欲
暮深

題慈恩寺振上人房

披衣聞客至關鎖此時開鳴磬夕陽盡捲簾秋色
來名香連竹徑清梵出花臺身在心無住他方到
幾回

酬程延秋夜卽事見贈

長簾迎風早空城澹月華星河秋一鴈砧杵夜千
家節候看應晚心期臥亦賒向來吟秀句不覺已
鳴鴉

奉和元相公家園卽事寄王相公

共列中台貴能齊物外心
回車青閣晚解帶碧茸
深寒水分畦入晴花度竹
尋題詩更相憶一字重
千金

贈鄆州馬使君

東方千萬騎出整使君時
暮雪行看盡春城到莫
遲路人趨墨幘官柳度青
絲他日鈴齋內知君亦
賦詩

贈長洲何主簿

掛席逐歸流依依望虎丘
殘春過楚縣夜雨宿吳

洲野寺吟詩入溪橋折筍游到官無一事清靜有
諸侯

贈張建

結客平陵下當年倚俠遊
看轆轤劍醉脫驪駒
裘翠羽雙鬟妾珠簾百尺樓
春風坐相待晚日莫
淹留

贈王述

端笏事龍樓思閑輒告休
新調赭白馬暫試黑貂
裘珠履迎佳客金錢與莫愁
座中豪貴滿誰道不
風流

贈張道者

採藥三山罷乘風五日歸
剪荷成舊屋剝藥染新衣
玉粒指應久丹砂驗不微
坐看青節引要與白雲飛

寄武陵李少府

小縣春生日公孫吏隱時
楚歌催晚醉蠻語入新詩
桂水遙相憶花源暗有期
郢門千里外莫怪尺書遲

贈別韋兵曹歸池州

南陵八月天暮色遠峰前
楚竹青陽路吳江赤馬

船簾金諸客貴佩玉主人賢終日應相逐歸期定
幾年

贈張五諲歸濠州別業

常知罷官意果與世人疎復此涼風起仍聞濠上
居故山期採菊秋水憶觀魚一去蓬蒿徑羨君閑
有餘

送盧大理趙侍御祭東嶽兼寄孟兗州

東嶽昔有事兩臣朝望歸驛亭開歲酒齋舍着新
衣上客鍾大理主人陶武威仍隨御史馬山路滿
光輝

送李中丞赴辰州

白羽逐青絲，翩翩南去時。
巴人迎道路，蠻帥引旌旗。
暮雨山開少，秋風葉落遲。
功成益地日，應見竹郎祠。

送皇甫大夫赴浙東

舟師分水國，漢將領秦官。
麾下同心史，軍中
端吳門。秋露濕楚驛，暮天寒。
豪貴東山去，風流勝
謝安。

送鄂州郎使君

千人插羽迎，知是范宣城。
暮雪楚山冷，春江漢水

清紅鮮供客飯翠竹引舟行一別何時見相思芳草生

魯中送魯使君歸鄭州

城中金絡騎出餞沈東陽九月寒露白六關秋草黃齊謳聽處妙魯酒把來香醉後着鞭去梅山道路長

送蘇州姚長史

江城驛路長煙樹過雲陽舟領青絲纜人歌白玉郎葛衣行柳翠花簾宿荷香別有心期處湖山滿
訟堂

送蔣員外端公歸淮南

淮南芳草色日夕引歸船御史王元貺郎官顧彥
先光風干日暖寒食百花燃惆悵佳期近澄江與
暮天

送夏侯校書歸上都

後輩傳佳句高流愛美名青春事賀監黃卷問張
生暮雪重裘醉寒山疋馬行此回將詣闕幾日諫
書成

送海州姚別駕

少年爲長史東去事諸侯坐覺千閭靜閑隨五馬

遊行人楚國道暮雪鬱林洲他日知相憶春風海上樓

送壽州陳錄事

壽陽南渡口歛笏見
侯片雨楚雲暮千家淮水
秋開濂對芳草邊客
春洲請問山中桂王孫幾
度遊

送江陵元司錄

新領州從事曾爲朝大夫江城竹使待山路橘官
扶片雨三江道殘秋五葉湖能令詩思好楚色與
寒蕪

送李明府赴蓮州

萬里向南湘孤舟入桂陽諸侯近上客小吏拜官
郎春服檀花細初筵木槿芳看承雨露速不待荔
枝香

送金華王明府

縣舍江雲裏心閒境又偏家貧陶令酒月俸沈郎
錢黃蘗香山路青楓暮雨天時聞引車騎竹向外
銅泉

送管城李少府

懷祿兼就養更憐趨府心晴山東里近春水北門

深新綬映芳草舊家依遠林還乘鄭小駟蹊蹊縣
城陰

送郭贊府歸淮南

駿馬淮南客歸時引望新江聲六合暮楚色萬家
春白苧歌西曲黃苞寄北人不知心賞後早晚見
行塵

送監軍李判官

上客佩雙劍東城喜再游舊從張博望新事鄭長
秋踏水回金勒看風試錦裘知君不久住漢將掃
旄頭

送高員外赴滎青使幕

遠水流春色回風送落暉人趨雙節近馬遞百花
歸山驛嘗官酒關城度客衣從來赤管筆提向幕
中稀

李中丞宅夜宴送丘侍御赴江東便往辰州
積雪臨階夜重裘對酒時中丞違沈約才子送丘
遲一路三江上孤舟萬里期辰州佳興在他日寄
新詩

送李侍御歸宣州使幕

春草東江外翩翩北路歸官齊魏公子身遂謝玄

暉山色隨行騎鶯聲傍客衣主人池上酌携手暮
花飛

送李侍御赴徐州行營

少年兼柱史東至舊徐州遠屬平津閣前驅博望
侯向營淮水滿吹角楚天秋客夢依依處寒山對
白樓

送劉侍御赴令公行營

東城躍紫驄西路大刀頭上客劉公幹元戎郭細
侯一軍偏許國百戰又防秋情問蕭關道胡塵早
晚收

送劉侍御赴陝州

金鞵映驥驕後騎佩干將把酒秦城晚鳴鞭曉路
長帶冰新溜澁間雪早梅香明日懷賢處依依御
史牀

送祕書謝監赴江西使幕

謝監憶山程辭家萬里行寒衣傍楚色孤枕宿潮
聲小冠不足問新詩應漸清府公相待日引旆出
江城

送趙評事赴洪州使幕

孤舟行遠近一路過湘東官屬張廷尉身隨杜幼

公山河映湘竹水驛帶青楓萬里思君處秋江夜
雨中

送深州吳司馬歸使幕

東門送遠客車馬正紛紛舊識張京兆新隨劉領
軍行聽曙暮雨歸鴈踏青雲一去叢臺北佳聲幾
日聞

送張丞歸使幕

獨受主恩歸當朝似若華玉壺分御酒金殿賜春
衣拂席流鶯醉鳴鞭駿馬肥滿臺簪白筆捧手戀
清軍

送趙陸司兵歸使幕

客路青蕪遍關山日低身趨雙館近名共五侯
齊遠水公田上春山郡舍西無因得携手東望轉
悽悽

送崔過歸淄青幕府

平陵車馬客海上見旌旗舊驛千山下殘花一路
時春衣過水冷暮雨出關遲莫道青州客迢迢在
夢思

送戴迪赴鳳翔幕府

青春帶文綬去事魏征西上路金鞵出中人玉筋

齊當歌酒萬斛看獵馬千蹄自有從軍樂何須怨
解携

送孫韋及第歸江南

姚合取爲
極玄集

過淮芳草歇千里又東歸野水吳山出家林越鳥
飛荷香隨去棹梅雨點行衣無數滄江一作客如
君達者稀

送韋秀才

東人相見罷秋草獨歸時幾日孫弘閣當年謝眺
詩寒山葉落早多雨路行遲好憶金門步功名自
有期

送張渚赴越州

白面誰家郎青驪照地光
桃花開綬色蘇合借衣香
暮雪連峰近春江海市長
風流似張緒別後見垂楊

送客之上谷

地客悲秋色田園憶去來
披衣朝易水匹馬夕燕臺
風剪荷花碎霜迎粟罽開
賞心知不淺累月故人杯

送客遊江南

南使孤帆遠東風任意吹
楚雲殊不斷江鳥暫相

隨月淨鴛鴦水春生荳蔻枝賞稱佳麗地君去莫
應知

送李舍人攜家歸江東覲省

二十青宮吏成名似者稀承顏陸郎去攜手謝娘
歸夜月回孤燭秋風試夾衣扁舟楚水上來徃速
如飛

送田倉曹汴州覲省

拜慶承天寵朝來辭漢宮玉盃分湛露金勒借追
風古驛秋山下平蕪暮雨中翩翩魏公子人看渡
關東

送張僭水路歸北海

千里東歸客，孤心憶舊游。
片帆依白水，高枕臥青州。
栢宿寒蕪變，梧臺宿水收。
知君心興遠，每上海邊樓。

送元詵還江東

過江秋色在詩興，與歸心客路緣。
楓岸人家掃橘林，潮聲當晝起山羣。
近南深幾日，華陽洞寒花引獨尋。

送故人歸蜀

一騎西南遠，翩翩入劍門。
客衣筒布潤，山舍荔枝

繁古廟祠金馬春江抱白龍自應成旅逸愛客有
王孫

送故人歸魯

又玄集
取此

魯客多歸興居人悵別情
雨餘衫袖冷風急馬蹄
輕秋草靈光殿寒雲曲阜城
知君拜親後少婦下
機迎

送客歸廣平

家在趙邯鄲歸心輒自歡
晚杯狐腋暖春雪馬毛
寒孟月途中破輕水水上殘
到時楊柳色奈向故
園看

唐詩新編
送劉長上歸城南別業

數刻是歸程
花間落照明
春衣香不散
駿馬汗猶輕
南渡春流淺
西風片雨晴
朝還會相就
飯爾五侯鯖

送夏侯審

謝公鄰里在
日夕望佳期
春水人歸後
東田花盡時
下樓閑待月
行藥笑題詩
他日吳中路
千山入夢思

送道士姪歸池陽

銀角桃枝杖
東門贈別初
幽州尋馬客
灞岸送驢

車野飯秋山靜行衣落照餘燕南羣從少此去意
何如

五言小律

令狐員外宅宴寄中丞

寒色凝羅幕同人清夜期玉杯留醉處銀燭送歸
時獨坐隔千里空吟對雪詩

褚主簿宅會畢庶子餞員外郎使君

開甕臘酒熟主人心賞同斜陽疎竹上殘雪亂山
中更喜宣城印朝廷與謝公

卷終

下籤三十一韓翃之三

唐音統籤卷

二百七十八

五言排律

家兄自山南罷歸獻詩敘事

時輩已爭先吾君未着鞭空嗟鑷鬚日獨是屈腰
年不以殊方遠仍論賞地偏襄橙隨客路漢竹引
歸船雲外巴東峽林中峴北川池餘騎馬處宅似
臥龍邊夜簾千峯月朝窻萬井煙朱荷江女院青
稻楚人田縣舍多瀟灑城樓入醉眠黃苞柑正熟
紅縷餠仍鮮坐厭牽絲倦因從解綬旋初辭五斗
米唯奉一囊錢室好生虛白書航守太玄櫃中斯

款段階下引潺湲落照淵明柳春風叔夜絃絳紗
儒客帳丹訣羽人篇雅論承安石新詩與惠連興
清湖見底襟豁霧開天魏闕心猶繫周才道豈捐
一丘自無逸三府會招賢

寄贈虢州張參軍

三十事諸侯賢豪冠北州桃花迎駿馬蘇合染輕
裘觀妓將軍第題詩關尹樓青林朝送客綠嶼晚
回舟好栗分通子名香贈莫愁洗盃新酒熟把燭
故人留百雉歸雲過千峰宿雨收蒹葭露下晚菡
蓂水中秋憶昨陪行樂當時接獻酬佳期雖霧散

惠問亦川流開卷醒堪解含毫思若抽無因達情
意西望日悠悠

奉送王相公赴幽州巡邊

黃閣開帷幄丹墀拜

一作侍

見旒位高湯左相權總

漢諸侯不改周南化仍分趙北憂雙旌過易水千

騎入幽州塞草連天暮邊

一作風

聲動地秋無因隨

一作陪

遠道結束佩吳鉤

送李中丞赴商州

五馬渭橋東連嘶逐曉風當年紫髯將他日黑頭
公不異金吾寵兼齋玉帳雄閉營春雪下吹角暮

山空香麝松陰裏寒猿黛色中郡齋多賞事好與
故人同

六言律詩

送陳明府赴淮南

年華近過清明落日微風送行黃鳥綿蠻芳樹紫
驅蹀躞東城花間一杯促膝煙外千里含情應渡
淮南信宿諸侯擁旆相迎

七言律詩

扈從郊廟因呈兩省諸公

丹墀列士主恩同廐馬翩翩出漢宮奉引乘輿金

仗囊親嘗賜食玉盤中晝趨行殿於門北夜宿齋
房刻漏東明日駕迴承雨露齊將萬歲及春風

宴楊駙馬山池

陳羽作

垂楊拂岸草茸茸繡戶簾前花影重綸下玉盤金
縷細酒開金甕綠醅濃中朝駙馬何平叔南國詞
人陸士龍落日泛舟同醉處回潭百丈映千峰

訪王起居不遇留贈

雙龍闕下拜恩初天子令君注起居載筆已齊周
右史論詩更事謝中書行聞漏滴隨金仗入對爐
烟侍玉除賀客自知來獨曉青驪不見意何如

題張逸人園林

花源一曲映茅堂清論閒階坐夕陽塵尾手中毛
已腹蟹螯樽上味初香春深畫口傳窺樹雨後青
苔散點墻更道小山宜助賞呼兒舒簟醉巖芳

又題張逸人園林

水石不復見詩人愛此雲山奉養真露色點衣孤
嶼曉月作花枝妨帽小園春時攜幼穉諸峰上閒
濯眉鬚一水濱興罷歸來還對酌茅簷掛着紫荷
巾

留題翠川香蓋寺壁

愛遠登高塵眼開爲憐蕭寺上經臺山川誰識龍
蛇蟄天地自迎風雨來柳放寒條秋已老鴈搖孤
翼暮空迴何人會得其中事又被殘花落日催

題仙遊觀

仙臺下見五城樓風物淒淒宿雨收山色遙連秦
樹晚砧聲近報漢宮秋疎松影落空壇靜細草春
閒小洞幽何用別尋方外去人間亦自有丹丘

贈王隨

青雲自致晚應遷朱邸新昏樂事饒飲罷更憐雙
袖舞試來偏愛五花驕帳裏爐香春夢曉堂前燭

影早更朝更說裘場新雨歇王孫今日定相邀

寄上田僕射

家封薛縣異諸田報主榮親義兩全僕射臨戎謝
安石大夫持憲杜延年金裝畫出羅千騎玉案晨
餐直萬錢應念一身留闕下關門遙寄魯西偏

寄令狐尚書

立身榮貴復何如龍節紅旗從板輿妙略多推霍
驃騎能文獨見沈尚書臨風高會千人帳映水連
營百乘車他日感恩慙未報舉家猶似涸池魚

寄徐州鄭使君

江城五馬楚雲邊不羨雍容畫省年才子舊稱何
水部使君還繼謝臨川射堂草遍收殘雨官路人
稀對夕天雖臥郡齋千里隔與君同見月初圓

寄贈鄭員外

自注鄭時在
熊尚書幕府

風流不減杜陵時五十爲郎未是遲孺子亦知名
下士樂人爭唱卷中詩身齊吏部還多醉心願尚
書自有期要路眼看知已在不應窮巷久低眉

送端州馮使君

白晝風流似有鬚一門豪貴領蒼梧三峰亭暗橘
邊宿八桂林香節下趨玉樹羣兒爭翠羽金盤少

妾揀明珠懷君樂事不可見
駿馬翩翩新虎符

送王挺渤海使赴李太守行營

少年結客散黃金中歲連兵掃綠林
渤海名王曾折首漢家諸將盡傾心
行人去指徐州近飲馬回看泗水深
喜見明時鍾太尉功名一似舊淮陰

送王光輔歸青州兼寄儲侍郎

幾回秦事建章宮聖主偏知漢將功
身著紫衣趨闕下口銜丹詔出關東
蟬聲驛路秋山裏草色河橋落照中
遠憶故人滄海別當年好躍五花驄

送劉評事赴廣州使幕

征南官屬似君稀才子當今劉孝威蠻府叅軍趨
傳舍交州刺史拜行衣前臨瘴海無人過卻望衡
陽少鴈飛爲報蒼梧雲影道明年早送客帆歸

送康洗馬歸滑州

腰佩雕弓漢射聲東歸銜命見雙旌青絲玉勒康
侯馬孟水金堤滑伯城臘雪夜看宜縱飲寒蕪晝
獵不妨行懷君又隔千山遠別後春風百草生

送高別駕歸汴州

信陵門客識君備駿馬輕裘正少年寒雨送歸千
里外東風沉醉百花前身隨玉帳心應愜官佐龍

符勢又全久客未知何計是參差去借汶陽田

魯中送從事歸滎陽

故園衰草帶滎波歲晚知如君思何輕橐歸時魯
縞薄寒衣縫處鄭綿多萬人都督鳴騶送百里那
君在騎過累路盡逢知已在曾無對酒不高歌

送李明府使蘇州便赴吉期

莫言水國去迢迢白馬吳門見不遙楓樹林中經
楚雨木蘭舟上踟江潮空山古寺千年石草色寒
隄百尺橋早晚盧家蘭室在珊瑚玉佩徹青霄

送齊明府赴東陽

綠絲帆■桂爲檣過盡淮山楚水長萬里移家背
春穀一官行府向東陽風流好愛杯中物豪蕩仍
欺陌上郎別後心期如在眼猿聲煙色樹蒼蒼

送田明府歸終南別業

故園此日多心賞意外泉流竹外雲近館應逢沈
道上比鄰自識卞田君離宮樹影登山見上苑鐘
聲過雪聞相勸早移丹鳳闕不須常戀白鷗羣

送長史李少府入蜀

行行獨出故關遲南望千山無盡期見舞巴童應
暫笑聞歌蜀道又堪悲孤城晚閉清江上匹馬寒

嘶白雲時別後此心君自見山中何事不相思

送王少府歸杭州

歸州一路轉青蘋更欲隨潮向富春吳郡陸機稱
地主鑄鑄蘇小是鄉親葛花一作滿把能消酒

子同心好贈人早晚重過魚浦宿遙憐佳句篋中

新

送劉將軍

明光細甲照銍鍛昨日承恩拜虎牙膽大欲歎羨
但約功多不讓李輕車青巾校尉遙相許黑稍將
軍大莫誇關下來時親伏奏胡塵未盡不爲家

送襄垣王君歸南陽別墅

都門霽後不飛塵，草色萋萋滿路春。
雙兔坡東千室吏，三鴉水上一歸人。
愁眠客舍衣香滿，走渡河橋馬汗新。
少婦比來多遠望，應知蟾子上羅巾。

送王府張參軍附學及第東歸

隣家不識闔難翁，閉戶能齊隱者風。
願步曾爲小山客，成名因事大江公。
一身千里寒蕪上，單馬重裘臘月中。
寂寂故園行見在，暮天殘雪洛城東。

送故人赴江陵尋庾牧

主人持節拜荊州，走馬應從一路遊。
班竹岡連山

雨暗枇杷門向楚天秋佳期笑把齋中酒遠意閑
登城上樓文體此時看又別吾知小庾甚風流

送冷朝陽還上元

青絲絳引木蘭船名遂身歸拜慶年落日澄江鳥
榜外秋風踈柳白門前橋邊小市家林近山帶平
湖野寺連別後依依寒夢裏共君攜手在東田

送丹陽劉太真

長干道上落花朝羨爾當年賞事饒下筓已憐鴉
豸美開籠不奈鴨媒嬌春衣晚入青楊巷細馬初
過皂篋橋相訪不辭千里遠西風好借木蘭橈

送客一歸襄陽二歸潯陽

南驅匹馬會心期
東望扁舟愜夢思
熨斗坡前春草色
香爐峯頂暮烟時
空林欲訪龐居士
古寺因懷遠法師
兩地由來堪取興
三賢他口幸留詩

送客水路歸陝

相風竿影曉來斜
渭水東流去不賒
枕上未醒秦地酒
舟前已見陝人家
春橋楊柳應齊葉
古縣棠梨也作花
好是吾賢佳賞地
行逢三月會連沙

送客歸江州

東歸復得采真遊
江水迎君日夜流
客舍不離青

雀舫人家舊在白鷗洲
風吹山帶遙知雨露濕荷
裳已報秋歸道泉明居止
近藍輿相訪會淹留

五言絕句

漢官曲二首

駿馬繡障泥紅塵撲四蹄
歸時何太晚日照杏花
西

繡幕珊瑚鈎春開翡翠樓
深情不肯道綺綺倚鈿
篋

陪孟都督祭嶽途中有贈

封疆七百里祿秩二千石
擁節祠太山寒天霜草

白

六言絕句

宿甌山

山中今夜何人門下當年近臣青瑣應須早去白雲何用相親

別甌山

一身趨侍丹墀西路翩翩去時惆悵青山綠水何年更是歸期

七言絕句

漢宮曲二首

五柞宮中過臘看萬年枝上雪花殘綺窻夜閉玉
堂靜素綆朝穿金井寒

漢宮長陵小市中珠簾繡戶對春風君王昨日移
仙仗玉輦將迎入漢宮

羽林騎

魏合取高
極玄集

駿馬牽來御柳中鳴鞭欲向渭橋東紅蹄亂踏春
城雪花領驕嘶上苑風

少年行

千點斑斕噴玉

一作玉勒

驄青絲結尾繡纏鬃鳴鞭曉

出

一作揮
鞭晚出

銅臺

一作章臺

路葉葉春衣楊柳風

江南曲

一作李益詩

長樂花枝雨點銷江城日暮好相邀春樓不閉處
粧鎖綠水回通苑轉橋

寒食

春城無處不飛花寒食東風御柳斜日暮漢宮傳

臘燭輕

一作青

煙散入五侯家

宿石邑山中

浮雲不共此山齊山靄蒼蒼望轉迷曉月暫飛高
樹裏秋河隔在數峰西

題玉真觀李祕書院

白雲斜日影深松
玉宇瑤壇知幾重
把酒題詩人
散後華陽洞裏有疎鐘

寄裴鄆州

烏紗靈壽對秋風
悵望浮雲濟水東
官樹陰陰鈴

閣暮州人轉憶白頭

一作翁

寄贈衡州楊使君

湘竹斑斑湘水春
衡陽太守虎符新
朝來笑向歸
鴻道早晚南飛見主人

梁城贈一二同幕

五營河畔列旌旗
吹角鳴鼙日暮時
曾是信陵門

下客兩廻相弔不勝悲

贈張千牛

蓬萊闕下是天家上路新回白鼻驕
急管畫催平樂酒春衣夜宿杜陵花

贈李翼

王孫別舍擁朱輪不羨空名樂此身
門外碧潭春洗馬樓前紅燭夜迎人

送客知鄂州

江口千家帶楚雲江花亂點雪紛紛
春風落日誰相見青翰舟中有鄂君

送客之潞府

宮柳青青匹馬嘶，迴風暮雨入銅鞮。佳期別在春
山裏，應是人參五葉齊。

人參贊三楹五
葉芳陽向陰

送客貶五溪

南過猿聲一逐臣，回看秋草淚沾巾。寒天暮雨空
山裏，幾處蠻家是主人。

送齊山人歸長白山

舊事仙人白兔公，掉頭歸去又東風。柴門流水依
然在，一路寒山萬木中。

看調馬

鴛鴦赭白齒新齊
晚日花間一作散碧蹄
玉勒斗回初噴沫
金鞭欲下不成嘶

卷終

丁籤三十二

唐音統籤卷

二百七十九

耿津字洪源河東人登貞應元年進士第官右拾遺工詩與錢起盧綸諸人齊名號大曆十才子集

三卷

唐志二卷宋志三卷

計敏夫云津詩有家

貧僮僕慢官罷友朋疎世多傳之又云唐詩人最重行卷雍陶首篇上裴度津行卷首篇上第五琦或指爲二子邪正雖然方琦未有數時上詩亦何足多怪徐獻忠云津詩不深琢削而風格自勝蓋生有高性而寡風學者也

五言古詩

安邑王校書居

秋來池館清夜聞宮漏聲迢遞玉山迥泛灩銀河
傾琴上松風至窻裏竹煙生多君不家食孰云事

巖耕

過王山人舊居

故宅春山中來逢夕陽入汲少井味變開稀戶樞
澁樹朽鳥不栖階閉雲自濕先生何處去惆悵空
獨立

晚次昭應

落日向林路東風吹麥隴藤草蔓古槩牛羊下荒
塚驪宮戶久閉溫谷泉長湧爲問全盛時何人最
榮寵

發南康夜泊頓石中

倦客乘歸舟春溪香日將暮羣林結暝色孤泊有佳
趣夜山轉長江赤日吐深樹颯颯松上吹泥泥花
間露險石俯潭渦蹠湍礙沿沂豈唯垂堂戒兼以
臨深懼稍出回鴈峰明登斬蛟柱連雲向重山杳
未見圖路

七言古詩

蘆花動

連素穗翻秋氣細節疎莖任長吹共作月中聲孤
舟發鄉思

賦得寒蛩

爾誰聽嗚何早趨趨連聲徧咄咄復與夜雨和遊
人聽堪老

聽早蟬歌

蟬鳴兮夕曛聲和兮夏雲白日兮將短秋意兮已
滿乍悲吟兮欲長猶嘶澁兮多斷風蕭蕭兮轉清
韻嘒嘒兮初成依婆婆之古樹思遼落之荒城閑
院支願深林倚策獨惆悵而無語鬢星星而已白
五言律詩一

關山月

月明邊徼靜戍客望鄉時寒古柳衰盡關寒榆發

遲蒼蒼萬里道戚戚十年悲今夜青樓上還應照
所思

隴西行

雪下陽關路人稀隴戍頭封狐猶未翦邊將豈無
羞白草三冬色黃雲萬里愁因思李都尉畢竟不
封侯

早朝

鐘鼓餘聲裏千官向紫微
冒寒人語少乘月燭來
稀清漏聞馳道輕霞映
瓊闌猶看嘶馬處未啓掖
垣扉

代宋州將淮上乞師

唇齒幸相依危亡故遠歸身輕百戰出家在數重
圍上將堅深壘殘兵鬪落暉常聞鐵劍利早晚借
餘威

屏居整廬

百年心不料一卷日相知乘興偏難改憂家是強
爲縣城寒寂寞峰樹遠參差自笑無謀者祇應道
在斯

東郊別業

東臯古薄田耕種過餘年護藥栽山刺澆蔬引竹

泉晚霽期稔歲重霧報晴天若問幽人意思齊
濕賢

上巳日

共來修禊事內顧一悲翁玉鬢風塵下花林絲管
中故山離水石舊侶失鷓鴣不及遊魚樂徘徊蓮
葉東

春日卽事

鄰里朝光徧披衣夜醉醒庖厨非舊火林木發新
青接果移天性踈泉逐地形清明來幾日戴勝已
堪聽

春日卽事二首

詩書成志業，嬾慢致蹉跎。
聖代丹霄遠，明時白髮多。
淺謀堪自笑，窮巷憶誰過。
寂寞前山路，歸人樵採歌。

數畝東臯宅，青春獨屏居。
家貧僮僕慢，官罷友朋疎。
強飲沽來酒，羞看讀了書。
閑花更一作開滿地，惆悵復何如。

陪燕湖州公堂

謝公爲楚郡，坐客是瑤林。
文府重門奧，儒源積浪深。
壺觴邀薄醉，笙磬發高音。
未至才仍短，難隨白

雪吟

立春日宴高陵任明府宅

春灰今變候密雪又霏霏坐客同心滿流年此會
稀風成空處亂素積夜來飛且共啣杯酒陶潛不
得歸

早春宴高陵滑少府

得昇字

且寬沈簿領應賴酒如灑春夜霜猶下東城月未
昇清言饒醉客亂舞避寒燈名字書仙籍諸生病
未能

會鳳翔張少尹南亭

遠過張正見詩興自依依西府軍城暮南庭吏事
稀草簷宜日過花園任煙歸更料重關外羣僚候
啓扉

冬夜尋李永因書事贈之

栖遑偏降志疵賤倍脩身近覺多衰鬢深知獨故
人天垂五夜月霜覆九衢塵不待逢沮溺而今惡
問津

春尋柳先生

言是商山老塵心莫問年白髯垂策短烏帽據梧
偏酒熟飛巴雨丹成見海田疎雲披遠水景動石

牀前

夜尋盧處士

月高雞犬靜門掩向寒塘
夜竹深茅宇秋庭冷石
牀住山年已遠服藥壽偏長
虛棄如吾者逢君益
自傷

詣順公問道

此身知是妄遠遠詣支公
何法住持後能逃生死
中秋苦經古徑穉葉滿疎叢
方便如開誘南宗與
北宗

晚秋過蘇少府

九江迷去住羣吏且因依高木秋垂露寒城暮掩
扉隨雲心自遠看草伴應稀肯信同年友相望青
瑣闥

下邳客舍喜叔孫主簿鄭少府見過

良宵復杪秋把酒說羈遊落木東西別寒萍遠近
流蕭條旅館月寂歷曙更籌不是仇梅至何人問

百憂

陸游云仇梅近本作仇香蘇子由詩嘗用仇梅蓋本此後人誤改也

秋夜喜盧司直嚴少府訪宿

寂寂閉層城悠悠此夜情早涼過鬢髮秋思入柴
荆嚴子多高趣盧公有盛名還如杜陵下暫拂蒹

元卿

宿韋員外宅

傳經韋相後，賜筆漢家郎。
幽閣諸生會，寒宵幾刻長。
座中燈泛酒，簷外月如霜。
人事多飄忽，邀歡詎可忘。

宿岐山姜明府廳

暝色休羣動，秋齋遠客情。
細風和雨氣，寒竹度簾聲。
日覺蹉跎近，天教嬾慢成。
誰能謁卿相，朝夕筭浮榮。

雪後宿王純池州草堂

宿君湖上宅琴韻靜參差夜雪入秋浦孤城連貴
池流年看共老銜酒發中悲良會應難再晨雞自
有期

秋夜會宿李永宅憶江南舊遊

偶宿俱南客相看喜盡歸湖山話不極歲月念空
違子夜高梧冷秋陰遠漏微那無此良會惜

一作昔

在謝家稀

與清江上人及諸公宿李八昆季宅

湯公多外友洛社自相依遠客還登會秋懷欲忘
歸驚風林果少驟雨砌蟲稀更過三張價東遊愧

陸機

晚秋宿裴員外寺院

得逢字

仲言多麗藻晚水獨芙蓉梁苑仍秋過仁祠又夜
逢回林通暗竹去雨帶寒鐘願向空門裏修持比
畫籠

雨中宿義興寺

遙夜宿東林蟲聲階草深高風初落葉多雨未歸
心家國身猶負星霜鬢已侵滄洲縱不去何處有
知音

宣城逢張二南史

全家宛陵客文雅世難逢寄食年將老于時計未
從秋來句曲水雨後敬亭峰西北長安遠登臨恨
幾重

巴陵逢洛陽隣舍

因君知北事流浪已忘機久客多人識一作高
衆病歸連雲湖色遠度雪鴈聲稀又說家林盡悽
傷淚滿衣

登樂遊原

園廟何年廢登臨有故丘孤村連日靜多雨及霖
休常與秦山對曾經漢主遊豈知千載後萬事水

東流

登沃州山

沃州初望海攜手盡時髦
小暑開鵬翼新莫長鷺
濤月如芳草遠身比夕陽
高羊祜傷風景誰云異
我曹

登鶴雀樓

久客心常醉高樓日漸低
黃河經海內華嶽鎮關
西去遠千帆小來遲
獨鳥迷終年不得意
空覺負東溪

登鍾山館

正馬宜春路蕭條背館心澗花寒夕雨潭水黑朝
林野市魚鹽隘江村深子規何處發青樹滿
高岑

遊鍾山紫芝觀

繫舟仙宅下清磬落春風雨數芝田長雲開石路
重古房青磴接深殿紫煙濃鶴駕何時去遊人自
不逢

登總持寺閣

今日登高閣三休忽自悲因知筋力減不及往年
時草樹還如舊山河亦在茲龍鍾兼老病更有重

來期

題孝子陵

荒墳秋陌上，霜露正霏霏。
松栢自成拱，苦廬長不歸。
浮埃積蓬鬢，流血在麻衣。
何必曾參傳，千年至行稀。

題李孝廉書房

野情專易外

一作商瞿傳易教

一室向青山，業就三編絕。

心通萬事閑，鶯啼春木上。
草徧夕陽間，莫道歸繡在來時棄故關。

春日題苗發竹亭

春亭及策上郎吏謝公暉閑詠踈篁近高眠遠岫
微偏宜留野客暫得解朝衣猶憶東溪裏當雲掩
故扉

題楊著別業

柳巷向陂斜回陽噪亂鴉農桑子雲業書籍蔡邕
家暮葉初翻砌寒池轉露沙如何守儒行寂寞過
年華

題童子寺

半偈留何處全身棄此中雨餘沙塔壞月滿雪山
空聲剎臨回磴朱樓間碧叢朝朝日將暮長對晉

陽宮

廢慶寶寺

一作司空曙詩

黃葉前朝寺無僧寒

一作開

殿開池晴龜出曝松暝

鶴飛迴古砌碑橫草陰廊盡雜苔禪宮亦銷歇塵世轉堪衰

題藏公院

古院林公住踈篁近井桃俗年人見少禪地自知

高藥草

一作物

誠多盼滄溟在一毫仍悲次宗輩塵

事日爲勞

題惟幹上人房

繩牀茅屋下，獨坐味閑安。苦行無童子，忘機避宰官。
是非齊已久，夏臘比應難。更悟真如性，塵心稍自寬。

題莊上人房

不語焚香坐，心知道已成。流年衰此世，定力見他生。
暮雪餘春冷，寒燈續晝明。尋常五侯至，敢望下階迎。

題清蘿翁雙泉

側弁向清漪，門中夕照移。異源生暗石，疊響落秋池。
葉擁沙痕沒，流回草蔓隨。泠泠無限意，不獨遠

公知

津亭有懷

津亭一望鄉淮海晚茫茫草沒栖洲鷺天連映浦
檣往來通楚越日暮易漁商惆悵緘書畢何人向
洛陽

旅次漢故時

我行過漢時寥落見孤城邑里經多難兒童識五
兵廣川桑遍綠叢薄雉連鳴惆悵蕭關道終軍願
請纓

蓋屋客舍

荒壘下客舍雨微微門見苔生滿心懸吏到
稀籬花看未發海燕欲先歸無限堪惆悵誰家復
擣衣

春日洪州卽事

鍾陵春日好春水滿南塘竹宇分朱閣桐花間綠
楊蹉跎看鬢色留滯惜年芳欲問羈愁發秦關道
路長

秋夜思歸

來時獨暑服今已露漫漫多雨逢初霽深秋生夜
寒投人心自切爲客事皆難何處無留滯誰能暫

問看

宋中

百戰無軍食孤城四
虜塵爲傷多易子飢
帛淺爲臣漫漫東流
水悠悠南陌人空思
前事徃向曉淚霑巾

宋中

日暮黃雲合年深白
骨稀舊村喬木在秋
草遠人歸廢井莓苔
厚荒田路徑微唯餘
近山色相對似依依

卷終

丁籤三十二耿漳之二

唐音統籤卷二百八十八

五言律詩二

華州客舍奉和崔端公春城曉望

不語看芳徑悲春嬾獨行
向人微月在報雨早霞
生貧病催年齒風塵掩姓名
賴逢驄馬客郢曲纓
羈情

酬暢當

同遊漆沮後已是十年餘
幾度曾相夢何時定得
書月高城影盡霜重柳枝疎
且對尊中酒千般想
未如

酬李汶

落照長楊苑秋天渭水濱初飛萬木葉又長一年
人貧病仍爲客艱虞更問津多慙惠然意今日肯
相親

晚投江澤浦卽事呈柳兵曹泥

落日過重霞輕煙上遠沙移舟衝荇蔓轉浦入蘆
花斷岸迂來客連波漾去槎故鄉何處在更道向
天涯

贈苗員外

爲郎日賦詩小謝少年時業繼儒門後心多道者

期曉翅長樂殿新出夜一作永明詞行樂西園暮春
風動柳絲

贈嚴維

許詢清論重寂寞住山陰野客投寒寺閑門傍古
林海田秋熟早湖水夜漁深世上窮通理誰能奈
此心

贈張將軍

寥落軍城暮重行返照聞鼓鼙經雨暗士馬過秋
閑慣守臨邊郡曾營近海山關西舊業在夜夜夢
中還

贈韋山人

失意成逋客

一作修

年獨掩扉無機仰鷓鴣慣多病

見人稀流水知行藥孤雲伴採薇空齋莫閑笑

一作

暮還坐

心事與時違

贈田家翁

老人迎客處籬落稻畦間蠶屋朝寒閉田家晝雨
閉門閤新雜草蹊徑舊諳山自道誰相及邀予
往還

贈隱公

世間無遠近定裏徧曾過東海經長在南朝寺最

多暮年休化俗初地卽推魔今日忘塵慮看心義
若何

贈海明上人

來自西天竺持經奉紫微年深梵語變行苦俗流
歸月上安禪久苔生出院稀梁間有馴鴿不去爲
無機

夏夜西亭卽事寄錢員外

高亭賓客散暑夜醉相和細汗迎衣集微涼待扇
過風還池色定月晚樹陰多遙想隨行者珊珊動
曉珂

寄錢起

一作司空曙詩

草長花落樹羸病強壽春無復少年意空餘華髮
新青原高見水白社靜逢人寄謝南宮客軒車不
見親

秋晚卧疾寄司空拾遺曙盧少府綸

寒几坐空堂疎髯似積霜老醫逃舊疾朽藥誤新
方晚果紅低樹秋苔綠徧牆慙非蔣生徑不敢望
求羊

過三郊驛却寄楊評事時此子郭令公欲有
表薦

冉冉青衫客悠悠白髮人
亂山孤驛暮長路百花
新終歲行他縣全家望此身
更思君去就早晚問
平津

春日遊慈恩寺寄暢當

浮世今何事空門此諦真
死生俱是夢哀樂詎關
身遠草光連水春篁色離塵
當從庾中庶詩客更
何人

尋覺公因寄李二端司空十四韻

少年常昧道無事日悠悠
及至悟生死尋僧已白
頭雲翅廬瀑雨樹落給園秋
爲我謝宗許塵中難

久留

夏日寄東溪隱者

日華泛野草色合遙空處處山依舊年年事不
同閑田孤壘外暑雨片雲中惆悵多塵累無由訪
釣翁

雨中留別

東西無定客風雨未休時憫默此中別飄零何處
期青山違舊隱白髮入新詩歲歲述津路生涯漸
可悲

之江淮留別京中親友

長雲迷一鴈漸遠向南聲已帶千霜鬢初爲萬里
行繁蟲滿夜草連雨暗秋城前路諸侯貴何人重
客卿

赴許州留別洛中親故

淳風今變俗末學誤爲文幸免投湘浦那辭近汝
墳山遮魏闕路日隱洛陽城

一作雲

誰念聯翩翼煙

中獨失群

常州留別

萬里南天外求書禹穴問往來成白首旦暮見青
山夜浦涼雲過秋塘好月關慙憇陽羨桂別此幾

時攀

邠州留別

終歲山川路

一作長路
來還去

生涯總幾何

一作艱難為
若何

客慣貧賤受恩多暮角寒山色秋風遠水波

一作暮角

飄長韻寒
流起細波

懸愁茂陵宅春色又相過

一作無人見
惆悵垂鞋入

籬煙

留別解縣韓明府

閑人州縣厭賤士友朋譏朔雪逢初下秦關獨暮

歸寒蕪上原淺殘燒遶風微一路何相慰唯君能

政稀

贈別安邑韓少府

子真能自在江海意何如
門掩疎塵吏心閑聞道
書古城寒欲雪遠客暮無車
杳杳思前路誰堪千
里餘

送太僕寺李丞赴都到桃林寒

遠過桃林塞休牛自昔聞
曲河隨暮草重阜接閑
雲造父爲周御詹嘉守晉軍
應多懷古思落葉又
紛紛

送胡校書秩滿歸河中

古樹汾陰道悠悠東去長
位卑仍解印身老又還

唐詩新編
鄉河水平秋岸關門向夕陽音書須數附莫學晉
嵇康

送郭正字歸郢上

濟江篇已出書府俸猶貧積雪商山道全家楚塞
人大堤逢落日廣漢望通津却到漁潭下鷺鷥那
可親

太原送許侍御出幕歸東都

昔隨劉越石今日獨歸時分水風煙冷并州花木
遲荒庭增別夢野雨失行期莫向山陽過鄰人夜
笛悲

送張侍御赴郴州別駕

佐郡人難料分襟日復斜一帆隨遠水百口過長沙
明月江邊夜平陵夢裏家王孫對芳草愁思杳
無涯

送河中張胃曹往太原計會廻

北風長至遠四牡向幽并衰木新出路寒蕪故絳
城遙聽邊上信遠計朔南程料變常臨事懸知外
國情

送絳州郭參軍

遠事諸侯出青山古晉城連行魏水閣獨入議中

兵夜雨新田濕春風曙角鳴人傳府公政記室有
參卿

送海州盧錄事

之官逢計吏風土問如何海口潮陽近青州春氣
多郊原鵬影到樓閣層雲和損益關從事期聽勞
者歌

送崔明府赴青城

清冬賓御出蜀道翠微間遠霧開群壑初陽照近
關霜潭浮紫菜雪棧遶青山當似遺民去柴桑政
自閑

送苗斌赴陽翟丞

夕陽秋草上，去馬弟兄看。
年少初辭闕，時危遠效官。
山行獨夜雨，旅宿二陵寒。
詩興生何處，嵩陽羽客壇。

送王將軍出塞

漢家邊事重，竇憲出臨戎。
絕漠秋山在，陽關舊路通。
列營依茂草，吹角向高風。
更就燕然石，看銘破虜功。

送楊將軍

身長將校萬里討，烏孫落日邊。
旌靜秋風鼓角

喧遠山當磧路茂草向營門
生死酬恩寵功名豈敢論

送友貶嶺南

暮年從遠謫落日別交親
湖上北飛鴈天涯南去人
夢成湘浦夜淚盡桂陽春
歲月茫茫意何時雨霽新

送郭秀才赴舉

鄉賦鹿鳴篇君爲貢士先
新經夢筆夜纒比棄繻年
海雨沾隋柳江潮赴楚船
相看南去鴈一作離岸去恨伴潛然

送李端

世上許劉楨洋洋風雅聲
客來空改歲歸去未成名
遠近天初暮關河雪半晴
空懷諫書在回首戀承明

送夏侯審遊蜀

暮峰和玉壘回望不通秦
更問蜀城路但逢巴語人
石林鶯囀曉板屋月明春
若訪嚴夫子無嫌卜肆貧

送王潤

才調集亦見
文苑英華

相送臨寒水蒼然望故關
江燕連夢澤楚雪入商

山語我他年舊看君此日還因將自悲淚一灑別
離間

送王秘書歸江東

題首望知音遠迤桑柘林人歸海郡遠路入雨天
深萬木經秋葉孤舟向暮心唯餘江海畔

一作江畔

應見白頭吟

送蜀客還

萬峯深積翠路向此中難欲暮多羈思因高莫遠
看卓家人寂寞揚子葉荒殘唯見岷江水悠悠帶
月寒

渭上送李藏器移家東郡

求名須有援學道又無緣

一作學稼
又無田

故國三千里

新春五十年移家還作客避地莫知賢洛浦今何處風帆去渺然

送葉尊師歸處州

風馭南行遠長山與夜江群祇離分野五嶽拜旌幢石髓調金鼎雲漿實玉釭
狎狎吠聲曉洞府有仙彫

哭張融

早歲能文客中年與世違有家孀婦少無子弔人

稀總帳塵空暗銘旌雨不飛依然舊鄉路寂寞幾
回歸

宿青龍寺故曇上人院

年深宮院在閑客自相逢閉戶臨寒竹無人有夜
鍾降龍今已去巢鶴竟何從坐見繁星曉淒涼識
舊峰

濟公院懷舊

遠公傳教畢身沒向他方弔客來何見門人閉影
堂紗燈臨古砌塵札在空牀寂寞踈鐘後秋天有
夕陽

落照

照耀天山外飛鷗幾共過微紅拂秋漢片白透長
波影促寒汀薄光殘古木多金霞與雲氣散漫復
相和

詠宣州筆

寒竹慙虛受纖毫任幾重影端緣守直心勁懶藏
鋒落紙驚風起掃空見露濃丹青與文事捨此復
何從

進秋集

豈悟因羅者迎霜獻紫微夕陽分素臆秋色上花

衣舉翅雲天近
迴眸燕雀稀
應隨明主意
百中有光輝

賦得沙上鴈

衡陽多道里
弱羽復哀音
還塞知何日
驚弦亂此心
夜陰前侶遠
秋冷後湖深
獨立汀洲意
寧知霜霰侵

新蟬

一作司
空曙

今朝蟬忽鳴
遷客若爲情
便覺一年謝
能令萬感生
微風方滿樹
落日稍沉城
爲問同懷者
淒涼聽幾聲

寒蜂採菊蕖

遊颺下晴空尋芳到菊蕖
帶聲來藥上連影在香
中去住霑餘霧高低順
過風終慙異蝴蝶不與
夢魂通

卷終